



Adresa: **Ul. H. Čemerlića 39A**
71000 Sarajevo
<http://www.voda.ba>

tel. +387 33 726 444
fax. +387 33 726 423
e – mail: info@voda.ba

Broj: **UP-1/21-1-40-395-6/23**

Datum: 14.11.2023. godine

«Agencija za vodno područje rijeke Save» Sarajevo rješavajući po zahtjevu Službe za komunalne poslove i infrastrukturu općine Ilidža za donošenje Rješenja o prethodnoj vodnoj saglasnosti za izgradnju šetnice uz korito rijeke Željeznice, na lokaciji Ilidža, major korito rijeke Željeznice, od mosta Alije Izetbegovića do željezničkog mosta na ulazu u naselje Otes, na osnovu člana 109. stav (1) tačke 8. i 14., a u vezi sa članom 12. Zakona o vodama («Službene novine Federacije BiH», broj 70/06) i člana 200. stav (1) Zakona o upravnom postupku («Službene novine Federacije BiH», 2/98, 48/99 i 61/22), donosi

RJEŠENJE **o prethodnoj vodnoj saglasnosti**

1. Službi za komunalne poslove i infrastrukturu Općine Ilidža daje se prethodna vodna saglasnost za izgradnju šetnice uz korito rijeke Željeznice, na lokaciji Ilidža, major korito rijeke Željeznice, od mosta Alije Izetbegovića do željezničkog mosta na ulazu u naselje Otes, na zemljištu označenom kao k.č. broj 2631/1, 2767/1, 2764/1, 2764/2, 2764/4, 2631/1, 2631/9 i 2789/3 K.O. Hrasnica (zk stanje), što odgovara k.č. broj 294/1, 1657/3 i 286/1 K.O. Butmir i k.č. broj 979/1, 979/2, 387/5, 388, 389, 397/1 i 395 K.O. Ilidža (kat. stanje), a u postupku pribavljanja urbanističke saglasnosti.
2. Prethodna vodna saglasnost se daje u postupku izdavanja okolinske dozvole, urbanističke saglasnosti za objekte i aktivnosti za koje nije potrebna okolinska dozvola i u postupku izdavanja koncesije na vodama i vodnom dobru.
3. Prethodna vodna saglasnost se daje na osnovu pregleda projektne i druge dokumentacije dostavljene od strane podnosioca zahtjeva i pod slijedećim uslovima:
 - 3.1. Izraditi i revidovati investiciono-tehničku dokumentaciju na nivou potrebnom za pribavljanje odobrenja za građenje, a sve u skladu sa članom 5. stav (19), (2) i (4) Pravilnika o sadržaju, obliku, uvjetima, načinu izdavanja i čuvanja vodnih akata („Službene novine Federacije BiH”, broj 31/15, 55/19, 41/20 i 63/22).
 - 3.2. Investiciono-tehnička dokumentacija treba biti urađena od strane ovlaštenog pravnog lica i revidovana od strane drugog pravnog lica, oba sa „liste A” Federalnog ministarstva poljoprivrede, vodoprivrede i šumarstva, a prema članu 14. stav 2. Pravilniku o uvjetima i kriterijima koje mora zadovoljiti pravno lice za izradu dokumentacije na osnovu koje se izdaju vodni akti («Službene novine Federacije BiH», broj 17/08 i 38/12).
 - 3.3. Projektom dokumentacijom treba da se obuhvati tehničko rješenje predmetne šetnice, a projekat između ostalog treba da sadrži:
 - Situativni prikaz, razmjere 1:1000 ili detaljnije, sa ucrtanom dionicom obuhvaćenom aktivnostima izgradnje šetnice u major koritu rijeke Željeznice na ažurnim geodetskim podlogama, uzdužnog i poprečnog profila riječnog korita urađen na bazi geodetskih snimanja koja će se provesti za potrebe izrade ove projektne dokumentacije. Snimanje izvesti preko operativnog poligonog vlaka uz povezivanje sa državnim nivelmanom sa osiguranjem krajnjih tačaka poprečnih profila na terenu trajnim biljegama (uz položajni opis i nacrt), preko kojih će se vršiti kontrola realizacije ovih radova;
 - Tahnički opis rješenja, uz obrazloženje rješenja, predmjer radova i odgovarajuće grafičke priloge za nivo projekta za građenje;

- Šetnica kao i planirani sadržaji (mobilijar i oprema) ne smije ugrožavati proticajni profil rijeke Željeznica i isti se moraju planirati kao demontažni elementi koje je na brz i jednostavan način moguće ukloniti u hidrološki nepovoljnim periodima;
 - Projektna dokumentacija treba da sadrži rješenje odvodnje oborinskih voda sa šetnice u cilju sprječavanja eventualnih štetnih uticaja na obale i nasip (stvaranje kanala, jaružnih tokova i sl.);
 - Prilikom definiranja normalnih profila uvažiti i uslove koji se odnose prije svega na izgrađenost obale, morfologiju terena, razvojno-plansku dokumentaciju, već izgrađene objekte zaštite od poplava, geološki sastav korita i sl.;
Zahvati uređenja korita trebaju se uklopiti u postojeći ambijent sa minimalnim narušavanjem prirodnog stanja koristeći u rješenju prirodne materijale;
 - Trebaju se uvažiti zahtjevi predstavnika lokalne jedinice samouprave u dijelu koji se odnosi na uklapanje u urbanističku i prostorno-plansku dokumentaciju;
 - Projektna dokumentacija treba da bude urađena na zakonski zahtjevanom nivou za ovu vrstu radova i sadrži sve opće i tehničke elemente propisane zakonodavstvom iz ove oblasti.
4. Po izradi dokumentacije iz tačke 3.1. dispozitiva ovog Rješenja, nosilac prava iz prethodne vodne saglasnosti dužan je da ovoj Agenciji podnese zahtjev za izdavanje vodne saglasnosti. Zahtjev za izdavanje vodne saglasnosti dostavlja se u skladu sa članom 8. i 19. Pravilnika o sadržaju, obliku, uvjetima, načinu izdavanja i čuvanja vodnih akata. Uz zahtjev se, između ostalog, prilaže:
- Investiciono-tehnička dokumentacija zahtjevana tačkom 3.1. ovog Rješenja,
 - Rješenje o urbanističkoj saglasnosti i okolinskoj dozvoli (ukoliko predmetna aktivnost podliježe obavezi pribavljanja iste) za izgradnju šetnice u major koritu rijeke Željeznice i dokaz o riješenim imovinsko-pravnim odnosima i
 - Dokaz o izvršenoj uplati upravne takse u iznosu od 60 KM.
5. Ukoliko nakon izdavanja ove prethodne vodne saglasnosti, a u toku pripreme dokumentacije za podnošenje zahtjeva za izdavanje vodne saglasnosti, u roku utvrđenom u članu 111. stav 3. Zakona, nastupe okolnosti za koje se može pretpostaviti da mogu biti od uticaja na rješavanje zahtjeva za donošenje rješenja o vodnoj saglasnosti, nosilac prava iz prethodne vodne saglasnosti dužan je o nastanku tih okolnosti obavijestiti ovu Agenciju, prije podnošenja zahtjeva, odnosno obavezno navesti okolnosti u zahtjevu za izdavanje vodne saglasnosti.
6. Ovu prethodnu vodnu saglasnost Podnosilac će koristiti u postupku dobijanja urbanističke saglasnosti i okolinske dozvole (ukoliko predmetna aktivnost podliježe obavezi pribavljanja iste) i ona definiše sve uslove koje projektna dokumentacija koja se podnosi u postupku dobijanja vodne saglasnosti i građevinske dozvole treba ispuniti sa aspekta voda u skladu sa Zakonom o vodama.
7. Prethodna vodna saglasnost se daje sa rokom važenja od tri (3) godine od dana pravosnažnosti ovog Rješenja.

Obrazloženje

Služba za komunalne poslove i infrastrukturu Općine Ilidža je podnijela zahtjev za donošenje rješenja o prethodnoj vodnoj saglasnosti za izgradnju šetnice uz korito rijeke Željeznice, na lokaciji Ilidža, major korito rijeke Željeznice, od mosta Alije Izetbegovića do željezničkog mosta na ulazu u naselje Otes, na zemljištu označenom kao k.č. broj 2631/1, 2767/1, 2764/1, 2764/2, 2764/4, 2631/1, 2631/9 i 2789/3 K.O. Hrasnica (zk stanje), što odgovara k.č. broj 294/1, 1657/3 i 286/1 K.O. Butmir i k.č. broj 979/1, 979/2, 387/5, 388, 389, 397/1 i 395 K.O. Ilidža (kat. stanje), općina Ilidža.

Uz zahtjev je dostavljena i pregledana slijedeća dokumentacija:

- Ovjerena kopija Odluke o osnivanju i djelokrugu jedinstvenog organa uprave Općine Ilidža, donesene od strane Općinskog vijeća Ilidža, broj: 01-02-8845/22-12 dana 22.12.2022. godine;
- Ovjerena kopija Uvjerenja o registraciji poreznog obveznika izdatog od strane Porezne uprave FBiH, Kantonalni porezni ured Sarajevo, dana 15.01.2021. godine;
- Ovjerena kopija Uvjerenja o registraciji/upisu u Jedinstveni registar obveznika indirektnih poreza, donesenog od strane Uprave za indirektno-neizravno oporezivanje Banja Luka, broj: 04/1-17-1-32-222-26/09 dana 04.08.2009. godine;

- Ovjerena kopija Obavještenja o razvrstavanju pravnog lica prema klasifikaciji djelatnosti, izdatog od strane Službe za statistiku za područje Kantona Sarajevo, broj: 07-32.5-19436/12 dana 07.03.2012. godine;
- Ovjerena kopija katastarskog plana, K.O. Butmir, broj plana: 9, UR broj: 04-26-4299/2022-4 dana 06.10.2022. godine;
- Ovjerena kopija katastarskog plana, K.O. Ilidža, broj plana: 8, UR broj: 04-26-4299/2022-5 dana 06.10.2022. godine;
- Ovjerena kopija katastarskog plana, K.O. Ilidža, broj plana: 12, UR broj: 04-26-4299/2022-6 dana 06.10.2022. godine;
- Ovjerena kopija katastarskog plana, K.O. Butmir, broj plana: 9, UR broj: 04-26-785/2023-2 dana 27.02.2023. godine;
- Ovjerena kopija Zemljišnoknjižnog izvadka, broj: 065-0-NAR-23-030 637, zk uložak broj: 599, K.O. SP_ Hrasnica;
- Ovjerena kopija Zemljišnoknjižnog izvadka, broj: 065-0-NAR-23-030 636, zk uložak broj: 3243, K.O. SP_ Hrasnica;
- Ovjerena kopija Zemljišnoknjižnog izvadka, broj: 065-0-NAR-23-030 635, zk uložak broj: 3939, K.O. SP_ Hrasnica;
- Ovjerena kopija Zemljišnoknjižnog izvadka, broj: 065-0-NAR-23-030 632, zk uložak broj: 350, K.O. SP_ Hrasnica;
- Ovjerena kopija Zemljišnoknjižnog izvadka, broj: 065-0-NAR-23-030 631, zk uložak broj: 5337, K.O. SP_ Hrasnica;
- Ovjerena kopija Zemljišnoknjižnog izvadka, broj: 065-0-NAR-23-030 630, zk uložak broj: 621, K.O. SP_ Hrasnica;
- Rješenje o urbanističkoj saglasnosti za izgradnju šetnice uz korito rijeke Željeznice na lokaciji Ilidža, major korito rijeke Željeznice, od mosta A.Izetbegovića do željezničkog mosta na ulazu u naselje Otes, doneseno od strane Službe za prostorno uređenje općine Ilidža, broj: 03-19-8814/22 M. dana 24.02.2023. godine;
- Kopija Informacije u vezi izgradnje šetnice sa urbanim mobilijarom uz korito rijeke Željeznice, date od strane Zavoda za planiranje razvoja Kantona Sarajevo, broj: 03-19-42/23 dana 30.01.2023. godine;
- Studija za izdavanje prethodne vodne saglasnosti za projekat „Izgradnja šetnice uz korito rijeke Željeznice, na lokaciji Ilidža, major korito rijeke Željeznice od mosta Alije Izetbegovića do željezničkog mosta u naselju Otes“, urađena od strane „HIGRACON“ d.o.o. Sarajevo, oktobar 2023. godine;
- Idejni koncept – prijedlog trase šetnice u major koritu rijeke Željeznice, potez od mosta Alije Izetbegovića do naselja Otes, urađen od strane Službe za razvoj, komunalne poslove i puteve Općine Ilidža, decembar 2022. godine;
- Dokaz o uplati upravne pristojbe.

U skladu sa članom 124. stav (1) Zakona o vodama i člana 5. Pravilnika o izmjeni dopuni pravilnika o sadržaju, obliku, uvjetima, načinu izdavanja i čuvanja vodnih akata (Sl. novine FBiH», broj 63/22), o zahtjevu je dana 19.09.2023. godine obavještena javnost putem obavještenja u dnevnim novinama „Oslobođenje“. U datom roku nije bilo pisanih izjašnjenja o predloženim aktivnostima iz zahtjeva.

Na osnovu utvrđenog činjeničnog stanja i dostavljene dokumentacije, a u svrhu smanjenja negativnih uticaja predmetne aktivnosti na režim voda i prava na vode dodijeljena drugim korisnicima, podnosiocu zahtjeva su ovim vodnim aktom, u tački 3. dispozitiva rješenja, shodno odredbama Zakona o vodama i odredbama Pravilnika o sadržaju, obliku, uslovima, načinu izdavanja i čuvanja vodnih akata, propisani uslovi koje je dužan ispuniti prilikom izrade projektne dokumentacije koja će Investitoru biti potrebna u postupku pribavljanja vodne saglasnosti i odobrenja za građenje.

U provedenom postupku konstatovano je slijedeće:

- Aktivnost za koju je podnesen zahtjev za izdavanje prethodne vodne saglasnosti je izgradnja šetnice uz korito rijeke Željeznice, major korito rijeke Željeznice, od mosta Alije Izetbegovića do

železničkog mosta na ulazu u naselje Otes, na desnoj obali rijeke Željeznice, na području općine Ilidža;

- Ukupna dužina planirane šetnice iznosi cca 2.0 km;

Predmetna aktivnost obrađena je u Studiji za izdavanje prethodne vodne saglasnosti za projekat „Izgradnja šetnice uz korito rijeke Željeznice, na lokaciji Ilidža, major korito rijeke Željeznice od mosta Alije Izetbegovića do železničkog mosta u naselju Otes“, urađena od strane „HIGRACON“ d.o.o. Sarajevo, oktobar 2023. godine i u Idejnom konceptu - prijedlog trase šetnice u major koritu rijeke Željeznice, potez od mosta Alije Izetbegovića do naselja Otes, urađen od strane Službe za razvoj, komunalne poslove i puteve Općine Ilidža, decembar 2022. godine.

Nakon uvida u raspoloživu dokumentaciju, konstatirano je da sa aspekta sektora voda i priložene dokumentacije ne postoje smetnje da se podnosiocu zahtjeva izda prethodna vodna saglasnost uz propisane uslove, pa je riješeno kao u dispozitivu rješenja.

Na osnovu prednjeg i provedenog postupka, a shodno članu 111. Zakona o vodama («Službene novine Federacije BiH», broj 70/06) i člana 5. Pravilnika o sadržaju, obliku, uvjetima, načinu izdavanja i čuvanja vodnih akata doneseno je rješenje kao u dispozitivu.

Podnosilac zahtjeva je uplatio upravnu pristojbu u iznosu od 80 KM u skladu sa Zakonom o izmjenama i dopunama zakona o federalnim upravnim taksama i tarifi federalnih upravnih taksi («Službene novine Federacije BiH», broj 06/98, 8/00, 45/10 i 43/13).


Uputa o pravnom lijeku:

Protiv ovog rješenja može se uložiti žalba Federalnom ministarstvu poljoprivrede, vodoprivrede i šumarstva, u roku od 15 dana od dana prijema rješenja.

Žalba se podnosi neposredno pismeno ili preporučeno putem pošte ovom organu i taksira se sa 15,00 KM takse, prema tarifnom broju 3. Tarife federalnih administrativnih taksi.

Voditelj postupka:

Aida Bezdrob, dipl.ing.građ.

Po ovlaštenju
Rukovodilac sektora za izdavanje vodnih akata

Marija Ališehović, dipl.inž.građ.



Dostaviti:

- Služba za komunalne poslove i infrastrukturu općine Ilidža, ul. Butmirska cesta 12, 71210 Ilidža
- AVP Sava, ISV, Vodna knjiga,
- Sektor 40, arhiva,
- Oglasna ploča